

欽定四庫全書薈要

史部
正史類

吉林出版集團有限責任公司
海天出版社

目次

書名	卷次	頁次	作者
魏書	卷四五—卷九二		北齊・魏收撰
卷四五 列傳第三三 柳崇 韋閔 杜銓 裴駿 辛紹先		一〇六一—	
卷四六 列傳第三四 寶瑾 許彥 李訢		一〇六一—一六	
卷四七 列傳第三五 盧玄		一〇六一—二四	
卷四八 列傳第三六 高允		一〇六一—三七	
卷四九 列傳第三七 李靈 崔鑒		一〇六一—五六	
卷五〇 列傳第三八 尉元 慕容白曜		一〇六一—六三	
卷五一		一〇六一—七六	

書	名	卷	次	頁	次	作	者
列傳第三九	韓茂 皮豹子 封勅文 呂羅						
漢 孔伯恭							
卷五二				一〇六一八七			
列傳第四〇	趙逸 胡方回 胡叟 宋繇						
張湛 宋欽	段承根 闕駟 劉昞 趙柔 索						
敞 陰仲達							
卷五三				一〇六一一〇一			
列傳第四一	李孝伯 李冲						
卷五四				一〇六一一七			
列傳第四二	游雅 高閭						
卷五五				一〇六一一三〇			
列傳第四三	游明根 劉芳						
卷五六				一〇六一一四四			
列傳第四四	鄭羲 崔辯						
卷五七				一〇六一一六〇			
列傳第四五	高祐 崔挺						
卷五八				一〇六一一七二			
列傳第四六	楊播						
卷五九				一〇六一一九一			

書名	卷次	頁次	作者
列傳第四七 劉昶 蕭寶夤 蕭正表			
卷六〇			
列傳第四八 韓麒麟 程駿		一〇六一—二〇六	
卷六一			
列傳第四九 薛安都 畢衆敬 沈文秀 張讜 田益宗 孟表		一〇六一—二二一	
卷六二			
列傳第五〇 李彪 高道悅		一〇六一—二三七	
卷六三			
列傳第五一 王肅 宋弁		一〇六一—二五四	
卷六四			
列傳第五二 郭祚 張彝		一〇六一—二六三	
卷六五			
列傳第五三 邢巒 李平		一〇六一—二七四	
卷六六			
列傳第五四 李崇 崔亮		一〇六一—二九三	
卷六七			
列傳第五五 崔光		一〇六一—三〇八	

書名	卷次	頁次	作者
卷六八 列傳第五六 甄琛 高聰 卷六九 列傳第五七 崔休 裴延儁 袁翻 卷七〇 列傳第五八 劉藻 傅永 傅豎眼 李神 卷七一 列傳第五九 裴叔業 夏侯道遷 李元護 席法友 王世弼 江悅之 淳于誕 李苗 卷七十二 列傳第六〇 陽尼 賈思伯 李叔虎 路恃 慶 房亮 曹世表 潘永基 朱元旭 卷七三 列傳第六一 奚康生 楊大眼 崔延伯 卷七四 列傳第六二 爾朱榮 卷七五 列傳第六三 爾朱兆 爾朱彥伯 爾朱度律 爾朱天光		一〇六一—三二四 一〇六一—三三四 一〇六一—三四九 一〇六一—三五九 一〇六一—三八二 一〇六一—三九八 一〇六一—四〇八 一〇六一—四一九	

書名	卷次	頁次	作者
卷七六 列傳第六四 盧同 張烈		一〇六一四三二	
卷七七 列傳第六五 宋飜 辛雄 羊深 楊機 高崇		一〇六一四三七	
卷七八 列傳第六六 孫紹 張普惠		一〇六一四五八	
卷七九 列傳第六七 成淹 范紹 劉桃符 劉道斌 董紹 馮元興 鹿念 張熠		一〇六一四七五	
卷八〇 列傳第六八 朱瑞 叱列延慶 斛斯椿 賈顯度 樊子鵠 賀拔勝 侯莫陳悅 侯淵		一〇六一四八七	
卷八一 列傳第六九 綦儁 山偉 劉仁之 宇文忠之		一〇六一五〇一	
卷八二 列傳第七〇 李琰之 祖瑩 常景		一〇六一五〇四	

書名	卷次	頁次	作者
卷八三上 列傳第七一上 外戚上 賀訥 劉羅辰 姚黃眉 杜超 賀迷 閻毗 馮熙 李峻 李惠 卷八三下 列傳第七一下 外戚下 高肇 于勁 胡國珍 李延寔 卷八四 列傳第七二 儒林 梁越 盧醜 張偉 梁祚 平恒 陳奇 常爽 劉獻之 張吾貴 劉蘭 孫 惠蔚 徐遵明 董徵 刁冲 盧景裕 李 同軌 李業興 卷八五 列傳第七三 文苑 袁躍 裴敬憲 盧觀 封肅 邢臧 裴伯茂 邢昕 溫子昇 卷八六 列傳第七四		一〇六一—五二四 一〇六一—五三四	

書名	卷次	頁次	作者
孝感 趙琰 長孫慮 乞伏保 孫益德 董洛生 楊引 閻元明 吳悉達 王續生 李顯達 張昇 倉跋 王崇 郭文恭 卷八七 列傳第七五		一〇六一五六〇	
節義 于什門 段進 石文德 汲固 王 玄威 婁提 劉渴侯 朱長生 于提 馬 八龍 門文愛 晁清 劉侯仁 石祖興 邵洪哲 王榮世 胡小虎 孫道登 李幾 張安祖 王閭 卷八八 列傳第七六		一〇六一五六五	
良吏 張恂 鹿生 張應 宋世景 路邕 閻慶胤 明亮 杜纂 裴佗 寶瑗 羊 敦 蘇淑 卷八九 列傳第七七		一〇六一五七五	
酷吏 于洛侯 胡泥 李洪之 高遵 張 赦提 羊祉 崔暹 酈道元 谷楷 卷九〇		一〇六一五八二	

書名	卷次	頁次	作者
列傳第七八 逸士 睦夸 馮亮 李謐 鄭修			
卷九一 列傳第七九 術藝 晃崇 張淵 殷紹 王早 耿玄 劉靈助 江式 周澹 李修 徐謩 王顯 崔戔 蔣少游		一〇六—五九二	
卷九二 列傳第八〇 列女 崔覽妻封氏 封卓妻劉氏 魏溥妻房氏 胡長命妻張氏 平原女子孫氏 房愛親妻崔氏 涇州貞女兕先氏 姚氏 婦楊氏 張洪初妻劉氏 董景起妻張氏 陽尼妻高氏 史映周妻耿氏 任城國太妃孟氏 苟金龍妻劉氏 盧元禮妻李氏 河東孝女姚氏 刁思遵妻魯氏		一〇六—六一一	

欽定四庫全書薈要

史部
魏書卷四十五

詳校官內閣侍讀孫球

欽定四庫全書薈要卷四千四百六十四 史部

魏書卷四十五

齊 魏 收 撰

魏書卷四十五

韋閻 杜銓 裴駿 辛紹先 柳崇

韋閻字友觀京兆杜陵人世為三輔冠族祖楷晉建威將軍長樂清河二郡太守父遠慕容垂吏部郎大長秋卿閻少有器望值慕容氏政亂避地於薊城世祖徵拜

欽定四庫全書

魏書
卷四十五

咸陽太守轉武都太守屬杏城鎮將郝溫及蓋吳反關

中擾亂閻盡心撫納所部獨全在郡十六年卒

子範歷鎮西大將軍府司馬試守華山郡高宗時賜爵

興平男卒

子雋字穎超早有學識少孤事祖母以孝聞性溫和廉

讓為州里所稱太和中襲爵除荊州治中轉梁州寧朔

府長史還為太尉外兵參軍本州中正遷都水使者所

在在聲世宗崩領軍于忠矯擅威刑與左僕射郭祚尚

書裴植同時遇害語在植傳時年五十七雋與祚婚家為忠所惡故及於難臨終雋訴枉於尚書元欽欽知而不敢申理雋歎曰吾一生為善未蒙善報常不為惡今

為惡終悠悠蒼天抱直無訴時人咸怨傷焉熙平元年追贈中壘將軍洛州刺史諡曰貞有子十三人

長子榮緒字子光頗涉文史襲爵除員外散騎侍郎齊王蕭寶夤儀同開府屬因戰敗歿

榮緒弟榮茂字子曄以幹局知名歷侍御史尚書考功

欽定四庫全書

魏書
卷四十五

三

郎中出為征虜將軍東秦州刺史永熙末兄弟並歿關

西

榮茂弟子榮為寶炬南汾州刺史

子榮少弟道諧為南汾州鎮城都督齊獻武王命將出討陷城克之武定末子榮官至南兗州刺史

閻兄子真喜起家書博士遷中書侍郎馮翊太守

子祉卒於太府少卿

祉子義遠出帝時為岐州刺史歿關西

祉弟禎有識幹起家奉朝請尚書郎中司徒主簿太子中舍人廷尉少卿給事黃門侍郎光祿大夫卒贈安西將軍秦州刺史

子文殊員外散騎侍郎早卒

閻從叔道福父罷為符堅丞相王猛所器重以女妻焉

為堅東海太守堅滅奔江左仕劉裕為輔國將軍秦州

刺史道福有志略歷劉駿盱眙南沛二郡太守領鎮北

府錄事參軍時徐州刺史薛安都謀欲擁州內附道福

欽定四庫全書

魏書
卷四十五

三

參贊其事以功除安遠將軍賜爵高密侯因此仍家於

彭城卒贈征虜將軍兗州刺史諡曰簡

子欣宗以歸國勲別賜爵杜縣侯高祖初拜彭城內史

遷大將軍宋王劉昶諮議參軍廣陵侯元衍為徐州刺

史又請為長史帶彭城內史撫綏內外甚得民和世宗

初除通直散騎常侍出為河北太守不行尋轉太中大

夫行幽州事卒贈龍驤將軍南兗州刺史諡曰簡

子元叡武定中潁川驃騎府長史

欣宗從父弟合宗卒於東海太守

子元恢有氣幹孝昌初值刺史元法僧據州外叛元恢招聚同志潛規克復事泄為法僧所害時人傷惜之

閻從子崇字洪基父肅字道壽劉義真鎮關中辟為主簿仍隨義真度江歷魏郡弋陽二郡太守豫州刺史崇年十歲父卒母鄭氏以入國因寓居河洛少為舅克州刺史鄭義所器賞解褐中書博士轉司徒從事中郎高祖納其女為充華嬪除南潁川太守不好發擿細事常

欽定四庫全書

魏書
卷四十五

四

云何用小察以傷大道吏民感之郡中大治高祖聞而嘉賞賜帛二百匹遷洛以崇為司州中正尋除右將軍咸陽王禧開府從事中郎復為河南邑中正崇頻居衡品以平直見稱出為鄉郡太守更滿應代吏民詣闕乞留復延三年在郡九年轉司徒諮議久之除華山太守卒

子猷之釋褐奉朝請轉給事中步兵校尉稍遷前將軍太中大夫卒

猷之弟休之起家安州左將軍府城局參軍轉給事中河南邑中正稍遷安西將軍光祿大夫休之貞和自守未嘗以言行忤物卒

子道建武定末定州儀同開府長史帶中山太守

道建弟道儒齊文襄王大將軍府東閣祭酒

閻族弟珍字靈智高祖賜名焉父尚字文叔樂安王良安西府從事中郎卒贈安遠將軍雍州刺史珍少有志操解褐京兆王子推常侍轉尚書南部郎高祖初蠻首

欽定四庫全書

魏書
卷四十五

五

桓誕歸欵朝廷思安邊之略以誕為東荊州刺史令珍為使與誕招慰蠻左珍自懸瓠西入三百餘里至桐栢山窮淮源宣揚恩澤莫不降附淮源舊有祠堂蠻俗恒用人祭之珍乃曉告曰天地明靈即是民之父母豈有父母甘子肉味自今已後悉宜以酒脯代用羣蠻從約至今行之凡所招降七萬餘戶置郡縣而還以奉使稱旨除左將軍樂陵鎮將賜爵霸城子蕭道成司州民謝天蓋自署司州刺史規欲以州內附事泄為道成將崔

慧景攻圍詔珍率在鎮士馬渡淮援接時道成聞珍將至遣將苟元賓據淮逆拒珍乃分遣鐵馬於上流潛渡親率步士與賊對接旗鼓始交甲騎奄至腹背奮擊破之天蓋尋為左右所殺降於慧景珍乘勝馳進又破慧景擁降民七千餘戶內徙表置城陽剛陵義陽三郡以處之高祖詔珍移鎮北陽蕭蹟遣其雍州刺史陳顯達率衆來寇城中將士咸欲出戰珍曰彼初至氣銳未可便挫且共堅守待其攻我疲敝擊之未晚於是憑城拒

欽定四庫全書

魏書
卷四十五

七

戰殺傷甚衆相持旬有二日夜開城門掩擊之賊遂奔潰以功進爵為侯車駕南討珍上便宜并自陳在邊歲久悉其要害願為前驅詔珍為隴西公源懷衛大將軍府長史轉太保齊郡王長史遷顯武將軍郢州刺史在州有聲績朝廷嘉之遷龍驤將軍賜驛騶二匹帛五十匹穀三百斛珍乃召集州內孤貧者謂曰天子以我能綏撫卿等故賜以穀帛吾何敢獨當遂以所賜悉分與之尋加平南將軍荊州刺史與尚書盧淵征赭陽為蕭

鸞將垣厯生蔡道貴所敗免歸鄉里臨別謂淵曰主上聖明志吞吳會用兵機要在於上流若有事荆楚恐老夫復不得停耳後車駕征樊鄆復起珍為中軍大將軍彭城王勰長史沔北既平以珍為建威將軍試守魯陽郡高祖復南伐路經珍郡加中壘將軍正太守珍從至濟水高祖曰朕頃戎車再駕卿常翼務中軍今日之舉亦欲與卿同行但三鵠險要非卿無以守也因勅珍辭還及高祖崩於行宮祕匿而還至珍郡始發大諱還除

欽定四庫全書

魏書
卷四十五

七

中散大夫尋加鎮遠將軍大尉諮議參軍永平元年卒時年七十四贈本將軍南青州刺史諡曰懿長子纘字遵彥年十三補中書學生聰敏明辯為博士李彪所稱除祕書中散遷侍御中散高祖每與名德沙門談論往復纘掌綴錄無所遺漏頗見知賞轉散騎侍郎徙太子中舍人仍兼黃門又兼司徒右長史尋轉長兼尚書左丞壽春內附尚書令王肅出鎮揚州請纘為長史加平遠將軍帶梁郡太守肅薨勅纘行州事任城

王澄代肅為州復啓續為長史澄出征之後肅衍將姜慶真乘虛攻襲遂據外郭雖尋克復續坐免官永平三年卒年四十五

續弟或字遵慶亦有學識解褐奉朝請遷太尉騎兵參軍出為雍州治中轉別駕入為司徒掾尋轉散騎侍郎稍遷平遠將軍東豫州刺史或綏懷蠻左頗得其心蠻首田益宗子魯生魯賢先叛父南入數為寇掠自或至州魯生等咸賤啓修敬不復為害或以蠻俗荒梗不識

欽定四庫全書

魏書
卷四十五

禮儀乃表立太學選諸郡生徒於州總教又於城北置崇武館以習武焉境內清肅還遇大將軍京兆王繼西征請為長史拜通直散騎常侍尋以本官兼尚書為幽夏行臺以功封陰盤縣開國男邑二百戶孝昌元年秋卒於長安贈撫軍將軍雍州刺史諡曰文

子彪襲歷本州治中轉別駕孝莊末藍田太守沒於關西

彪弟融解褐員外散騎侍郎以軍功賜爵長安伯稍遷

大司馬開府司馬融娶司農卿趙郡李瑾女天平中疑其妻與章武王景哲姦通乃刺殺之懼不免仍亦自害

或弟肱字遵顯少有志業年十八辟州主簿時屬歲儉肱以家粟造粥以飼飢人所活甚衆解褐太學博士遷祕書郎中稍遷左軍將軍為荊郢和糴大使南郢州刺史田夷啓稱肱父珍往任荊州恩洽夷夏乞肱充南道別將領荊州驍勇共為腹背詔從之未幾行南荊州事肅宗末除征虜將軍東徐州刺史尋遷東安將軍加散

欽定四庫全書

魏書
卷四十五

騎常侍肅衍遣其郢州刺史田麤禧率衆來寇肱於石羊崗破斬之以功封杜縣開國子邑二百戶永安三年卒於州贈侍中車騎將軍雍州刺史諡曰宣

長子鴻字道衍頗有幹用解褐奉朝請遷尚書令吏部郎中中書舍人天平三年坐漏泄賜死於家時年三十

二

鴻弟道植武定末儀同開府中兵參軍

太祖時有安定梁穎先任慕容寶歷黃門郎入國拜建

德太守賜爵朝那男

孫景儒起家趙郡王幹行參軍稍遷治書侍御史司徒中兵參軍卒

子師禮早卒

師禮族弟嵩遵少有氣俠起家奉朝請歷司空外兵參軍後蕭寶夤為雍州刺史引為中兵參軍深見信任寶夤反令嵩遵率衆出征嵩遵偽受其署既行之後遂與侯終德等還來襲城以功封烏氏縣開國伯邑五百戶

欽定四庫全書

魏書
卷四十五

十四

嵩遵弟嵩景武定中燕郡太守又有武功

蘇湛字景儒魏侍中則之後也晉亂避地河右世祖平涼州還鄉里父擁字天祐秦州撫軍府司馬湛少有器行頗涉羣書年二十餘舉秀才除奉朝請領侍御史轉員外散騎侍郎蕭寶夤之討關西以湛為行臺郎中深見委任孝昌中寶夤大敗東還朝廷以為雍州刺史後

自猜懼害中尉酈道元乃稱兵反時湛臥疾於家寶夤

令姜儉報湛云元略受蕭衍意旨乃欲見除酈道元之來事不可測吾不能坐受死亡今便為身計不復作魏臣也與卿契闊故以相報死生榮辱與君共之湛聞之舉聲大哭儉遽止之曰何得便爾湛曰百口居家即時屠戮云何不哭哭數十聲徐謂儉曰為我白齊王王本以窮鳥投人賴朝廷假王羽翼榮寵至此屬國步多虞不能竭忠報德乃欲乘人間隙有不臧之心信惑行路無識之語欲以羸敗之兵守關問鼎今魏德雖衰天命未改且王之恩義未洽於民但見其敗未見有成蘇湛不能以百口居家為王族滅寶夤復報曰此自救命之計不得不爾所以不先相白者恐沮吾計故爾湛復曰凡為大事當得天下奇士今但共長安博徒小兒輩計校辦有成理不堪恐荆棘必生庭閣願乞骸骨還鄉里脫得因此病死可以下見先人寶夤素重之以湛病且知不為已用聽還武功寶夤敗莊帝即位徵補尚書郎

欽定四庫全書

魏書
卷四十五

十四

既至莊帝曰前聞卿答蕭寶夤甚有美辭為我說也湛頓首謝曰臣雖言辭不如伍被始終不易自謂過之然臣與寶夤周遊契闊言得盡心而不能令其不反臣之罪也莊帝悅拜散騎都尉仍領郎尋遷中書侍郎出帝初病還鄉里終於家贈散騎常侍鎮西將軍雍州刺史湛從母弟天水姜儉字文簡父昭自平憲司直出為兗州安東長史帶高平太守卒於營構都將儉少有幹用勤濟過人起家徐州車騎府田曹參軍轉太尉外兵參軍蕭寶夤出討關西引為開府屬軍機謀略多所參預儉亦自謂遭逢知己遂竭誠委託寶夤為雍州仍請為開府從事中郎帶長安令及寶夤反以為左丞尤見信任為羣下所讎疾寶夤敗城人殺之時年三十九蘇湛每謂人曰以姜儉才志堪致富貴惜其不遇命也如何儉弟素武定末中散大夫

杜銓字士衡京兆人晉征南將軍預五世孫也祖胄苻堅太尉長史父嶷慕容垂祕書監仍僑居趙郡銓學涉

有長者風與盧玄高允等同被徵為中書博士初密太后父豹喪在濮陽世祖欲命迎葬於鄴謂司徒崔浩曰天下諸杜何處望高浩對京兆為美世祖曰朕今方改葬外祖意欲取京兆中長老一人以為宗正命營護凶事浩曰中書博士杜銓其家今在趙郡是杜預之後於今為諸杜之最即可取之詔召見銓器貌瓌雅世祖感悅謂浩曰此真吾所欲也以為宗正令與杜超子道生迎豹喪柩致葬鄴南銓遂與超如親超謂銓曰既是宗近何緣復僑居趙郡乃延引同屬魏郡焉遷散騎侍郎轉中書侍郎賜爵新豐侯卒贈平南將軍相州刺史魏縣侯諡曰宣

子振字季元太和初舉秀才卒於中書博士

子遇字慶期起家奉朝請轉員外散騎侍郎尚書起部郎中竊官材瓦起立私宅清論鄙之遷龍驤將軍中散大夫出為河東太守卒贈中軍將軍都官尚書豫州刺史諡曰惠